



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

LXXVIII. Contra ambientes dignitates in Congreg. Canonorum S.  
Salvatoris.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

ratione incurrenda, a qua nemo per quemquam, nisi per Nos, seu Romanum Pontificem pro tempore existentem, nisi in mortis articulo constitutus absolvi possit omnino interdicitur. Volentes, & auctoritate Apostolica mandantes, ut quicumque librum prædictum penes se haberint, illum statim ac præsentem literæ eis innotuerint, locorum Ordinariis, vel hæreticæ pravitatis Inquisitoribus tradere, atque consignare teneantur.

Clausula.

§. 1. Ut autem eadem præsentem literæ ad omnium notitiam facilius perducantur, nec quicumque illarum ignorantiam allegare possit, volumus, & auctoritate prædicta decernimus, illas ad valvas Basilicæ Principis Apostolorum, ac Cancellariæ Apostolicæ, nec non Curie Generalis in Monte Citorio, & in acie Campi Floræ de Urbe per aliquem ex Curforibus nostris, ut moris est publicari, illarumque exempla ibidem affixa relinqui, ita ut sic publicatæ, omnes, & singulos quos concernunt, perinde efficiant, ac si unicuique illorum personaliter notificatæ, & intimatæ fuissent: ipsarum autem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eandem prorsus fidem tam in iudicio, quam extra illud ubique locorum haberi, quæ haberetur ipsis præsentibus si forent exhibitæ, vel ostensa.

Datum Romæ apud Sanctum Petrum sub Anulo Piscatoris die XIV. Mji MDCCVIII. Pontificatus nostri Anno Octavo.

LXXVIII.

Confirmatur, & innovatur Constitutio Pauli V. contra ambientes Officia, & Dignitates in Congregatione Canoniorum Regul. S. Salvatoris Ord. S. Augustini.

*Inn. XII. Const. ed. 1695. Jan. 19. P. 4. Statutum fuit, ut serventur Constitutiones de receptione Regularium professorum. Et hujus Pontificis Const. ed. 1709. Mar. 18. P. 9. extenditur indultum de Prælaturis obtinendis.*

CLEMENS PAPA XI.

*Ad perpetuam rei memoriam.*

Dat. 20. Junii  
1708. An. 8.

Exordium.

**E**cclésiæ Catholicæ regimini, meritis licet imparibus, divina dispositione præsidentes, illa, quæ a Romanis Pontificibus Prædecessoribus nostris ad recidendam, & excludendam a Religiosis viris, quos in humilitatis Spiritu Deo servire decet, ambitiosa honorum, & dignitatum cupiditate pie, prudenterque constituta esse noscuntur, Apostolici muniminis nostri patrocinio libenter constabilimus, novisque prædiis ut serventur exactius corroboramus, sicut ad Omnipotentis Dei gloriam, & Religionis incrementum salubriter in Domino expedire arbitramur.

Referatur Constitutio Pauli V. contra implorantes auxilium extra Religionem, vel utentes illegitimis modis ad Officia, vel dignitates obtinendas, cum præscriptione poenarum, nec dum contra eos, sed etiam contra Superiores indulgentes.

§. 1. Dudum siquidem per fel. rec. Paulum PP. V. prædecessorem nostrum accepto, quod quidam in Congregatione Canoniorum Regularium S. Salvatoris Ordinis S. Augustini Dignitatum, & officiorum in dicta Religione ambitione ducti pro iis consequendis Ecclesiasticorum, & secularium Principum, aut aliarum personarum studia requirebant, & S. R. E. Cardinalibus, aliisque Prælatibus Commendatitiis literas, aliosque favores, & gratias procurabant, quibus adjuti gradus, & dignitates in eadem Religione consequi valerent; propterea dictus Paulus Prædecessor Officia, & Dignitates pro meritis cujuscumque absque ambitu conferri cupiens per quosdam suas in simili forma Brevis die 22. Septembris 1607. expeditas literas Mo-

tu proprio, & ex certa scientia, & mera deliberatione suis omnes, & singulos Canonicos Regulares dictæ Congregationis, & Ordinis cujuscumque gradus, status, conditionis, præminentia, qualitatis, & dignitatis existentes, qui de cætero pro Prælaturis, gradibus, honoribus, dignitatibus, administrationibus, functionibus, & aliis Officiis Congregationis, & Ordinis prædictorum consequendis ad Principum, & Prælatorum, ac aliarum quarumcumque personarum tam Ecclesiasticarum, quam Sæcularium de gremio dictæ Congregationis non existentium, etiam Cardinalatus honore, & quacumque Sæculari dignitate, & excellentia, etiam Imperiali, Regali, & Ducali fulgentium, favores recurrissent, aut aliis viis illicitis ad hujusmodi Prælaturas, gradus, honores, & dignitates, administrationes, & alia officia obtinenda aspiravissent, vel aliis minus legitimis, & honestis rationibus ea obtinere quævisissent, ac iis obrentis usi fuissent, illorumque complices, & fautores ad quascumque Prælaturas, dignitates, officia, gradus, honores, administrationes, & munera in ipsa Congregatione obtinenda, perpetuo inhabiles declaravit, & obtentis per eos Prælaturis, gradibus, honoribus, dignitatibus, administrationibus, functionibus, & Officiis hujusmodi eo ipso privavit, & sic promotos voce tam activa, quam passiva carere decrevit, & declaravit, atque in virtute sanctæ obedientiæ ac sub excommunicationis lætæ sententiæ poena omnibus dictorum Congregationis, & Ordinis Superioribus, Prælatibus, Canonicis quocumque nomine nuncupatis, etiam Priori Generali tunc, & pro tempore existentibus præcepit, districteque mandavit, ne quempiam ullo tempore precibus, literis, vel favoribus adducti, vel alias ad instantiam, seu requisitionem, vel contemplationem Principum, etiam Imperatoris, Regum, Ducum, & Rerumpublicarum, vel Prælatorum etiam ejusdem S. R. E. Cardinalium, aut aliarum quarumcumque personarum tam Sæcularium, quam Ecclesiasticarum extra dictum gremium existentium, ad cujusvis generis Prælaturas, gradus, honores, dignitates, administrationes, functiones, & officia dictæ Congregationis promovere, vel poenas aliquas remittere auderent, vel præsumerent.

§. 2. Decernentes electiones, & promotiones ad Monasteria, seu Prioratus, vel officia dictorum Congregationis, & Ordinis contra eandem literarum dispositionem quandocumque faciendas, & pro tempore obtentas, nullas prorsus, invalidasque fore, & esse, ac omnes, & singulos in præmissis delinquentes nulla alia admonitione præcedente, & absque processu desuper habendo, sententias, & poenas præmissas irremissibiliter eo ipso incurrere, & ad illos sententias, & poenas præmissas damnabiliter incurrisse legitime probandum solas præmissarum personarum instantias, preces, & favores, etiam oretenus porrectas, plenam, indubiam & sufficientem in iudicio, & extra fidem facere, nec ad id probationis alterius admiculum requiri, & alias, prout in præfatis Pauli Prædecessoris literis, quarum tenorem præsentibus pro plene, & sufficienter expresso, ac de verbo ad verbum inserto haberi volumus uberius continetur.

§. 3. Cum autem sicut dilectus filius Angelus Seraphinus Matri Procurator Generalis prædictæ Congregationis S. Salvatoris Nobis nuper exponi fecit prædictæ Pauli Prædecessoris literæ non ita exacte, & accurate, ut par est in eadem Congregatione observentur: Hinc est, quod Nos considerantes, quod nemo debet sibi assumere honorem, nisi vocatus a Deo tanquam Aaron, ac proinde pravum hoc ambitionis malum omnino tollere, & a dicta Congregatione

Causa Confirmationis relatæ Constitutionis.

penitus

penitus excludere cupientes, ut Congregatio ipsa præclara semper humilitatis Religioſæ laude floreat, illiusque munera, non mendicatis studiis, sed a viris virtute, & meritis conspicuis obedienter suscipiantur, & humiliter administrantur, ac dictum Angelum Seraphinum Procuratorem Generalem specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, de Venerabilium Fratrum nostrorum S. R. E. Cardinalium negotiis, & Consultationibus Episcoporum, & Regularium præpositorum consilio, prædictas Pauli Prædecessoris literas cum omnibus, & singulis censuris, & pœnis, & aliis quibuslibet contentis in illis Apostolica auctoritate, tenore præsentium approbamus, & confirmamus, ac quatenus opus sit, innovamus, ac de novo constituimus, ordinamus, decernimus, & declaramus, illaque omnia, & singula inviolabiliter, & inconcussa in præfata Congregatione Sancti Salvatoris perpetuo servari mandamus, & præcipimus.

Confirmatio, & innovatio Constitutionis Pauli V. precibus Procuratoris Gener. facta.

Clausula cum mandato Gener. Constitutionem affigendi, & legendi.

§. 4. Volentes, & eadem auctoritate decernentes, easdem præsentis literas, illarumque exempla etiam impressa manu Abbatis Generalis ipsius Congregationis S. Salvatoris subscripta, & ejus sigillo munita in locis patentibus uniuscujusque Monasterii affigi, & perpetuo retineri, ac semel in anno per Superiores quorumcumque Monasteriorum inter alias Constitutiones Apostolicas legi, & publicari, dictasque literas semper firmas, validas, & efficaces existere, & fore, suosque plenarios, & integros effectus sortiri, & obtinere: sicque in præmissis per quoscumque Judices Ordinarios, & Delegates, etiam Causarum Palatii Apostolici Auditores, judicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus præmissis, ac Constitutionibus, & Ordinationibus Apostolicis, nec non omnibus, & singulis illis, quæ prædictus Paulus Prædecessor in literis supradictis voluit non obstare, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die XX. Junii MDCCVIII. Pontificatus nostri Anno Octavo.

LXXIX.

Conceditur vox deliberativa Definitoribus adjunctis Congregationis Doctrinæ Christianæ in Gallia.

*Hæc vox concessa fuerat a Congreg. Episc. & Reg. & confirmata in Const. ed. 1708. Mar. 24. P. 8. Item conceditur Definitorio adjuncto Const. ed. 1714. Jun. 11. P. 14.*

Dat. 25. Julii 1708. An. 8.

CLEMENS PAPA XI.

Ad futuram rei memoriam.

Ab hoc Pontifice confirmatum fuerat Decretum de voce deliberativa pro Definitoribus adjunctis.

**A**lias Nos in Causa Avenionen. seu Parisien. inter Dilectos Filios Clericos seculares Congregationis Doctrinæ Christianæ in Gallia ex una, & quosdam particulares Presbyteros Provincie Parisien. ejusdem Congregationis ex altera partibus vertente, ad supplicationem dilecti etiam filii Joannis Fallot Procuratoris Gene-

ralis dictæ Congregationis Decretum infraſcriptæ Cardinalium Congregationis, quo duobus Dubiis, primo scilicet an Decretum Capituli Generalis anno 1705. Sess. 18. editum circa electionem definitorum adjunctorum in locum Procuratorum Generalium absentium, qui voce fruerentur consultiva illis absentibus, & non aliter donec a S. Sede ipsis & deliberativa obtineretur tum in Definitorio, tum in Capitulo Generali sustineretur in casu etiam, & quatenus affirmative; ac secundo, an beneplacitum Apostolicum pro voce deliberativa esset concedendum, ad utrumque affirmative responsum fuerat, toto illius tenore inserto, auctoritate Apostolica confirmavimus, & approbavimus, illique inviolabilis Apostolicæ firmitatis robur adjecimus, & alias prout in nostris desuper in simili forma Brevis die 24. Martii proxime præteriti expeditis literis, quarum tenorem præsentibus pro plene, & sufficienter expresso haberi volumus uberius continetur.

§. 1. Cum autem, sicut dictus Joannes Procurator Generalis Nobis nuper exponi fecit, dilectus etiam filius Anselmus Espitalier Clericus dictæ Congregationis Doctrinæ Christianæ ad munus Definitoris adjuncti hujusmodi assumptus fuerit; Ipse vero Joannes Procurator Generalis, ne unquam futuris temporibus de validitate electionis prædicti Definitoris adjuncti, minusque de Beneplacito Apostolico pro eadem voce deliberativa dubitari possit, electionem de persona dicti Anselmi Definitoris adjuncti per Nos confirmari, illique, ac ejus ad idem munus pro tempore assumendis Successoribus vocem deliberativam concedi plurimum desideret.

§. 2. Nos ipsum Joannem Procuratorem Generalem specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati de Venerabilium Fratrum nostrorum S. R. E. Cardinalium negotiis, & Consultationibus Episcoporum, & Regularium præpositorum consilio, eidem Anselmo, ejusque in dicto Definitorio Adjuncti officio successoribus vocem deliberativam, tam in Capitulo Generali, quam in Definitorio cum omnibus privilegiis, & conditionibus in Decreto Capituli generalis dicto anno 1705. Sess. 18. edito contentis, eadem auctoritate tenore præsentium concedimus, salva tamen semper in præmissis auctoritate prædictæ Congregationis Cardinalium.

§. 3. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac dicto Anselmo, aliisque ad quos spectat, & spectabit in futurum plenissime suffragari, & ab illis respective inviolabiliter observari: Sicque in præmissis per quoscumque Judices Ordinarios, & Delegates, etiam Causarum Palatii Apostolici Auditores, judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac Constitutionibus, & Ordinationibus Apostolicis, nec non quatenus opus sit, Congregationis Doctrinæ Christianæ hujusmodi, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus; Privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores

Preces Procuratoris Gen. & causa novæ Congregationis.

Concessio d. vocis deliberative juxta Decretum Capituli Gen. 1705.

Clausula.